



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUO YA GAE (HL)

PAMPIRI YA BORARO (P3)

NGWANAITSEELE 2024

KAEDI YA GO TSHWAYA

MADUO: 100

Kaedi e ya go tshwaya e na le ditsebe di le 18.

KAROLO YA A: RUBORIKI YA GO TSHWAYA TLHAMO – PUO YA GAE [50 MADUO]**ELA TLHOKO:**

- Dirisa ruboriki ka gale fa o tshwaya tlhamo ya boithlamedi (Pampiri 3 KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e na karologantsho ya maemo a a kwa godimo le maemo a a kwa tlase.

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG LE IPAKANYO (Tsibogelo le dikakanyo) -Thulaganyo ya dikakanyo tsa ipakanyo -Temogo ya maitlthomo, baamogedi le bokao 30 MADUO	Maemo a a kwa godimo	28–30 -Tsibogelo ya maemo a a kwa godimo go gaisa a a tlwaelegileng -Dikakanyo tse di botlhale, tse di tlhaloganyegang, tse di gwetlhang mogopolo le dintlha tse di gamogileng -E rulagantswe le go lomagana ka maemo a dinaledi go tsenyeletsa matseno, mmele le bokhutlo -Ipaakanyo e e manonontlhotlho	22–24 -Tsibogelo e e tlhamilweng ka matsetseleko -Dikakanyo tse di maleba tota gape di kgatlhisa e bile di supa go gamoga, dikakanyo di lomagane -E rulagantswe bontle thata le go lomagana go tsenyeletsa matseno, mmele le bokhutlo -Ipaakanyo e e lolameng	16–18 -Tsibogelo e e itumedisang -Dikakanyo di lomagane mo go tlhaloganyegang e bile go kgotsofatsa -E rulagane le go lomagana mo go tlhaloganyegang go tsenyeletsa matseno, mmele le bokhutlo -Ipaakanyo e e lekaneng mme e na le diphosonyana	10–12 -Tsibogelo e e sa tlhomamang -Dikakanyo tse di sa tlhapang e bile di se na boithlamedi, fela tlhamo e santse e na le go tlhaloganyega go go rileng. -Bosupi jo bonnye jwa thulaganyo le tomagano e e bokoa ya matseno, mmele le bokhutlo -Ipaakanyo e e tlhaelang	4–6 -Tsibogelo e e seng maleba gotlhelele -Dikakanyo tse di tlhakatlhakaneng, di tlhoka tsepamo, di gasagane le go boelediwa, tlhamo e tlhaela go tlhaloganyega. -Ga e a rulagana e bile ga e a lomagana gotlhelele -Ipaakanyo e e seng maleba
	Maemo a a kwa tlase	25–27 -Tsibogelo e e manontlhotlho, mme e tlhaela ditlhokego tse di tsibosang tsa tlhamo ya maemo a dinaledi -Dikakanyo tse di botlhale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo -Ipaakanyo e e matsetseleko	19–21 -Tsibogelo e e tlhamilweng ka matsetseleko -Dikakanyo tse di maleba gape di kgatlhisa -E rulagantswe bontle le go lomagana go tsenyeletsa matseno, mmele le bokhutlo -Ipaakanyo e e lolameng ka diphosonyana	13–15 -Tsibogelo e e itumedisang, mme e latlhelgelwa ke go tlhaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo, -Ipaakanyo e e lekaneng e e nang le diphoso	7–9 -Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ipaakanyo e e sa tsepamang e bile e tlhakatlhakane	0–3 -Ga go na maiteko a go tsibogela setlhogo -Dikakanyo tse di seng maleba e bile di sa siama gotlhelele -Ga go na bosupi jwa thulaganyo le tomagano -Ga go na ipakanyo

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
PUO, SETAELE LE GO TSELEGANYA/RUNA -Segalo, rejisetara le setaele tse di maleba go maikaelelo/ ditlamorago le bokao -Tlhopho ya mafoko le tlotlofoko -Tiriso ya puo le melawana: thutapuo, matshwao a puiso le mopeleto 15 MADUO	Maemo a kwa godimo	14–15 -Segalo, rejisetara le setaele di maleba le maikaelelo, baamogedi le bokao ka maemo a a kwa godimo -Puo e e tlhololo, e e itumedisang ka maemo a a tlhaolegileng le tlotlofoko e e manontlhotlho ya maemo a a kwa godimo -Ga go na diphoso tsa tiriso ya puo le melawana ka gotlhe	11–12 -Segalo, rejisetara le setaele di maleba thata le maikaelelo, baamogedi le bokao -Puo e nonofile le tlotlofoko e tlhamilwe ka matsetseleko -Bogolo jwa yona ga bo na diphoso tsa tiriso ya puo le melawana	8–9 -Segalo, rejisetara le setaele di maleba le maikaelelo, baamogedi le bokao -Puo e e maleba go tlhagisa bokao le tlotlofoko e e tlhotlheletsang tlhagiso ya diteng -Diphoso tsa tiriso ya puo le melawana ga di kgoreletse bokao	5–6 -Segalo, rejisetara le setaele ga di maleba le maikaelelo, baamogedi le bokao -Puo ke ya maemo a motheo thata le tlotlofoko e lekanyeditswe thata (go na le tiriso ya dipuo tse dingwe) -Diphoso tsa tiriso ya puo le melawana di eta di kgoreletsa bokao	0–3 -Segalo, rejisetara le setaele bomaleba jwa tsona bo kwa tlase le maikaelelo, baamogedi le bokao -Puo ga e tlhaloganyesege le tlotlofoko e nnye thata, mme e dira gore go nne thata go tlhaloganya -Diphoso tsa tiriso ya puo le melawana di thiba letsatsi
	Maemo a a kwa tlase	13 -Segalo, rejisetara le setaele di dirisitswe ka manontlhotlho -Puo le tlotlofoko e e matsetseleko ka tlhotlheletso e e nonofileng mo bokaong -Diphoso tsa tiriso ya puo le melawana di dinnye thata	10 -Segalo, rejisetara le setaele tse di siameng di nonofile -Puo le tlotlofoko tse di ngokang e bile di nonofile ka kakaretso -Diphoso tse di mmalwa tsa tiriso ya puo le melawana	7 -Segalo, rejisetara le setaele di siame ka kakaretso le tiriso e e lekanyeditsweng ya malepa a tlhotlheletso -Tiriso ya puo le tlotlofoko tse di mo magareng, ka go tlhoka tsepamo -Diphoso tsa tiriso ya puo le melawana di dintsi	4 -Segalo, rejisetara le setaele ga di maleba gotlhelele -Puo e e bokoa le tlotlofoko e e lekanyeditsweng tota -Diphoso tsa tiriso ya puo le melawana di dintsi e bile di kgoreletsa bokao	
KAGEGO -Diponagalo tsa setlhangwa -Kago ya ditemana le go tlhangwa ga dipolelo 5 MADUO		5 -Kago e e manontlhotlho ya tatelano ya dintlhana tse di tlhaolegileng -Dipolelo le ditemana di bopilwe bontlentle	4 -Kago e e latelanang ya dintlhana tse di lomaganeng -Dipolelo le ditemana di a latelana, di a farologana	3 -Kago ya dintlhana tse di maleba e bile di na le tlhaloganyo -Dipolelo, ditemana tse di bopilweng sentle	2 -Go na le dintlha dingwe tsa kago tse di amogelesegang -Dipolelo le ditemana di fosagetse	0–1 -Dintlha tse di botlhokwa di a tlhalela e bile e tlhoka tlhaloganyo -Dipolelo le ditemana di fosagetse le go ipoeletsa

KAROLO YA B: RUBORIKI YA TLHATLHOBHO YA SETLHANGWA SA TIRISANO [Maduo a le 25]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG, THULAGANYO LE SEBOPEGO -Tsibogelo le dikakanyo -Kokoanyo ya dikakanyo gore go rulaganngwe Maitlhommo, baamogedi, diponagalo/melawana le tiriso MADUO 15	13–15 -Tsibogelo ya maemo a a kwa godimo go gaisa se se lebeleletsweng ka gale le kitso e e tseneletseng ya diponagalo tsa mofuta wa setlhangwa -Diteng le dikakanyo tse di botlhale, tse di gamogileng, di lomagane e bile di tshegetsang setlhogo ka thulaganyo e e manonthlotlho -Tlhaloso ya maemo a a kwa godimo e bile dintlha tsotlhe di maleba thata. -Sebopego se se maleba gape se nepagetse	10–12 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -Diteng le dikakanyo di lomagane, dintlha tse di thadisitsweng sentle gape di tshegetsang setlhogo ka thulaganyo e e lomang -E tsepame, ga e a fapoga setlhogo -Sebopego se se lomang ka diphoso tse dinnye	7–9 -Tsibogelo e e lekaneng e e bontshang kitso ya diponagalo tsa mofuta wa setlhangwa -Diteng le dikakanyo di lomagane mo go utlwalang, dintlha dingwe di tshegetsang setlhogo ka thulaganyo e e lekaneng -Go na le tsepamo e e rileng mme kwalo e eta e fapoga setlhogo -Sebopego se se maleba ka kakaretso fela go na le go sa nepagale go go rileng	4–6 -Tsibogelo e e kwa tlase e e supang kitso ya diponagalo tsa mofuta wa setlhangwa -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo ka thulaganyo e e tlhaelang -Ga e a tsepama ka gotlhe, mme kwalo e fapogile setlhogo -Tiriso e e phatlaletseng ya melawana ya sebopego	0–3 -Tsibogelo e senola go tlhoka kitso ya diponagalo tsa mofuta wa setlhangwa -Ga go na tomagano ya diteng le dikakanyo e bile ke dintlha di le mmalwa fela tse di tshegetsang setlhogo ka thulaganyo e e sa thaloganyegeng kana e se yo -Bokao jo bo kgoreletsegile ka go fapoga setlhogo go go feteletseng -Ga go a dirisiwa melawana ya sebopego
PUO, SETAELE LE GO TSELEGANYA/RUNA -Segalo, rejisetara le setaele, maitlhommo, baamogedi le tiriso -Tlotlofoko e maleba thata e bile e bontsha kgolo -Tiriso ya puo le melawana di nepagetse e bile di agegile sentle -Ga e na diphoso gotlhelele -Matshwao a puo le mopeleto MADUO 10	9–10 -Segalo, rejisetara le setaele tse di maleba thatathata le maitlhommo, baamogedi le tiriso -Tlotlofoko e maleba thata e bile e bontsha kgolo -Tiriso ya puo le melawana di nepagetse e bile di agegile sentle -Ga e na diphoso gotlhelele	7–8 -Segalo, rejisetara le setaele tse di maleba thata le maitlhommo, baamogedi le tiriso -Tlotlofoko e e siameng tota -Tiriso ya puo le melawana di nepagetse ka kakaretso e bile di agegile sentle -Bogolo ga go na diphoso	5–6 -Segalo, rejisetara le setaele di maleba le maitlhommo, baamogedi le tiriso -Tlotlofoko e e lekaneng - Tiriso ya puo le melawana ga di a nepagala thata -Diphoso ga di kgoreletse bokao	3–4 -Segalo, rejisetara le setaele di fosagetse go le gonnye go maitlhommo, baamogedi le tiriso -Tlotlofoko e e lekanyeditsweng -Tiriso ya puo le melawana ga di a lolama -Diphoso di dintsi di kgoreletsa bokao	0–2 -Segalo, rejisetara le setaele ga di tsamaisane le maitlhommo, baamogedi le tiriso -Tlotlofoko ga e maleba -Tiriso ya puo le melawana di tlhakatlhakane mo go feteletseng -E phephetha ka diphoso, bokao bo kgoreletsegile tota

KAROLO YA A: TLHAMO**POTSO 1****Mokgwa wa go tshwaya tlhamo**

- Tlhamo ga e a tshwanela go tlhoka sesupo sa gore e buisitswe e bile e abetswe maduo jaaka go tshwanetse. Maduo a a abetsweng tlhamo a tshwanetse go nna le sesupo sa gore a fitlheletswe jang.
- Tlhamo ga e tshwane le tshobokanyo ka tekanyetso e e gagametseng ya mafoko, yona ke tiro ya boithamededi.
- Fa tlhamo e elela ka boithamededi le go ngoka mmuisi, ga go a siama go tota mogopolo fela mo boleeleng jwa yona mme go itlhokomolosiwa diteng.
- Molawana o o tlhamaletseng ke gore:
 - **Go se nne le dikotlhao tsa tlaleletso tse di newang gone ruboriki e na le dikotlhao ka boyona. O se ka wa otlhaela motlhatlhojwa phoso e le nngwe e e ipoeletsang, eta o e thalela fela.**

1.1 Tlhamo ya kanelo

Mofuta o wa tlhamo, o anela ka ga sengwe kgotsa tiragalo e e fetileng. Tlhamo ya mofuta o e ka kwalwa go tswa mo matlhakoreng a a farologaneng.

Sekao sa setlhogo: **Ke ne ka fetola mokgwa o ke neng ke leba botshelo ka ona**

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele (go dumelesege) gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, lonko/monkgo le tiriso ya ditemosi tse dingwe.
- Go tshwanetse go elwe tlhoko gore mofuta o wa tlhamo o a anela.
- Bokhutlo e nne jo bo kgodisang.

Se se lebeleletsweng mo motlhatlhojweng:

- Setlhogo se a itlhophetseng sona.
- Tlhaloso ya setlhogo.
- Tlhagiso ya mokgwa o a neng a leba botshelo ka gona.
- Tlhagiso ya letlha, lefelo le nako.
- Tlhagiso ya dintlha le ditiragalo tse di bakileng go fetoga ga gagwe.
- Tlhagiso ya tsela e a tsibogetseng phetogo e ka gona.
- Tshobokanyo ya dintlha le go supa maikutlo a gagwe.

[50]

1.2 Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. Tlhamo ya mofuta o e ka kwalwa go tswa mo matlhakoreng a a farologaneng.

Sekao sa setlhogo: **E le ruri, phuduhudu e e thamotelele e batwa ke marumo a sa e le bana**

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, lonko/monkgo le tiriso ya ditemosi tse dingwe.
- Go tshwanetse go elwe tlhoko gore mofuta o wa tlhamo o a anela.
- Bokhutlo e nne jo bo kgodisang.

Se se lebeletsweng mo motlhatlhojweng:

- Setlhogo se a itlhophetseng sona.
- Tlhaloso ya setlhogo.
- Tlhagiso ya se se bakang go welwa ke mathata a e seng a gago.
- Tlhagiso ya marumo a a ka go welang.
- Tlhagiso ya ditsela tsa go efoga go batwa ke marumo a a sa go lebanang.
- Bokhutlo jo bo kgodisang.

[50]

1.3 Tlhamo ya tlhaloso

Mokwadi mo tlhamong e, o tlhalosa sengwe ka ga mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Diaparo gompieno ...**

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlhophe mafoko sentle a bo a dirise mafoko a a bontshang maikutlo ka kelotlhoko go gorosa molaetsa sentle.
- Go dirisiwe mafoko a a ka bopang ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololeli go tiisa kgang/tiragalo.
- Go elwe tlhoko gore mofuta o wa tlhamo o a tlhalosa.
- Motlhatlhojwa a bontshe fa a na le maitemogelo mo setlhogong se.

Se se lebeleletsweng mo motlhatlhojweng:

- Setlhogo se a itlhophetseng sona.
- Tlhaloso ya setlhogo.
- Tlhagiso ya mofuta wa diaparo tsa gompiano.
- Tlhagiso ya mokgwa wa go di apara/batho ba ba di aparang.
- Tlhagiso ya boleng jwa diaparo tsa gompiano le maitsholo a babogedi.
- Tlhagiso ya tlhwatlhwa ya tsona.
- Tlhagiso ya ditlamorago tse di tliwang ke moaparo wa gompiano.
- Bokhutlo e nne jo bo kgodisang.

[50]**1.4 Tlhamo ya maitlhamo**

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: **Fa nka nna rapharakano/mmapharakano ...**

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tseye letlhakore.
- Maikutlo a nne le seabe sa botlhokwa.
- Karolo e kgolo mo tlamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa. Dikakanyo/megopolo/maikutlo di tshwanetse go senola boammaaruri le maitemogelo.
- Tlhamo e kwalwe ka maemo a kgonego kgotsa a pakatlang.
- Bokhutlo e nne jo bo kgodisang.

Se se lebeleletsweng mo motlhatlhojweng:

- Setlhogo se a itlhophetseng sona.
- Tlhaloso ya setlhogo.
- A tlhagise maikutlo a gagwe tebang le bakgweetsi.
- A tlhagise se a se ratang ka tiro e.
- A tlhagise mabaka a a mo susumetsang go nna rapharakano/mmapharakano.
- A tlhagise dikgato tse a ka di tsayang go fetola mekgwa ya bakgweetsi.
- A tlhagise diphetogo tse a ka di tliang fa a setse a le mo tirono eo.
- Bokhutlo jo bo kgodisang.

[50]

1.5 Tlhamo e e sa tseyeng letlhakore

Mofuta o wa tlhamo o tlhagisa ngangisano e e lekalekanang go emela kgotsa go nna kgatlhanong le se go buiwang ka ga sona. Motlhatlhojwa o leba matlhakore otlhe a setlhogo a bo a tlhagisa dintlha tsa thulano a sa tseye letlhakore. Kemo ya mokwadi e tlhagisiwa fela kwa bokhutlong.

Sekao sa setlhogo: **A go siame gore bana ba godisiwe ke motsadi a le mongwe?**

Dintlha tse di latelang di tshwanetse go elwa tlhoko fa go tshwaiwa tlhamo e e sa tseyeng letlhakore.

- Tlhamo e itshupe ka go lekalekana, e se tseye letlhakore. E tlhagise matlhakore a mabedi mme dikakanyo di tlhagisiwe ka tshegetso le kgatelelo e kgolo.
- E lebelele kemo ya botlhe.
- Puo e nne e e tsosang maikutlo mme motlhatlhojwa a se ka a tlhoka maitseo.
- Ngangisano e tlhaloganyesege.
- Tlhamo ya mofuta o, e kwalwe ka pakajaanong.
- Bokhutlo bo supe kemo ya mokwadi.

Se se lebeleletsweng mo motlhatlhojweng:

- Setlhogo se a itlhophetseng sona.
- A tlhalose setlhogo.
- A tlhagise mabaka a a ka dirang gore bana ba godisiwe ke motsadi a le mongwe.
- A tlhagise mabaka a a ka dirang gore bana ba se godisiwe ke motsadi a le mongwe.
- A tlhagise monate le matsapa a a itemogelwang ke motsadi yo o godisang bana a le esi.
- A tlhagise monate le matsapa a a itemogelwang ke motsadi yo o godisang bana a se esi.
- A tlhagise ditlamorago tsa bana ba ba godisiwang ke motsadi a le mongwe.
- A tlhagise ditlamorago tsa bana ba ba sa godisiweng ke motsadi a le mongwe.
- A tlhagise se se ka diriwang go fetola maemo a a fitlhelwang mo malapeng a a nang le motsadi a le mongwe.
- A supe maikutlo le ntlhakemo ya gagwe kwa bokhutlong.

[50]

1.6 Tlhamo ya ngangisano

Mo tthamong e, motlhatlhojwa o tthagisa kakanyo, ntlhakemo mme a nganga ka maitlomo a go dibela kemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tthagisa letlhakore le le lengwe mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: **Go tlhoka go jesa leswe. Dumela kgotsa o ganetse.**

Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:

- Motlhatlhojwa a simolole ka go tthagisa ntlhakemo ya gagwe go bontsha boitshimolole.
- A neye mefutafuta ya dingangisano go tshegetsa ntlhakemo ya gagwe mme a tthalose se.
- Tlhamo e tthagise letlhakore le le lengwe mme dikakanyo di tthagisiwa ka kgatelelo e kgolo.
- Go dirisiwe mefuta e e farologaneng ya didiriswa tsa puo le dithekeniki tsa tiriso ya puo. Puo e dirisiwe ka maikutlo mme motlhatlhojwa a se ka a tlhoka maitseo.
- Bokhutlo bo tshwanetse go tthagisa kakanyo e e tlhomameng, e e tthaloganyegang mme e pateletse mmuisi go dumelana le tse di tthagisitsweng.
- Tlhamo ya mofuta o, e kwalwe ka pakajaanong.

Se se lebeletsweng mo motlhatlhojweng:

- Setlhogo se a itlhophetseng sona.
- Tthalo ya setlhogo.
- Tlhamo e tseye ntlhakemo ya go dumela kgotsa go ganetsa.
- A tthagise le go dibela ntlhakemo ka bosupi jo bo rileng.
- A tthagise molemo le ditlamorago tsa ntlhakemo ya gagwe.
- A tthagise dintlha tsa ngangisano tse di tshegetsang ntlhakemo ya gagwe kwa bokhutlong.
- A tthagise tshikinyo ya se se ka dirwang go rotloetsa ntlhakemo ya gagwe.

[50]

1.7 le 1.8 Tlhamo e e ikaegileng ka setshwantsho

Ela tlhoko:

Tshedimosetso e e latelang e dirisiwe go tshwaya potso ya setshwantsho e bong, 1.7 le 1.8 e e ka nnang tlhamo ya kanelo, tlhaloso, maitlhommo, ngangisano kgotsa e e sa tseyeng letlhakore.

Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. Tlhamo ya mofuta o e ka kwalwa go tswa mo matlhakoreng a a farologaneng.

Sekao sa setlhogo: **Setshwantsho.**

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, lonko/monkgo le tiriso ya ditemosi tse dingwe.
- Go tshwanetse go elwe tlhoko gore mofuta o wa tlhamo o a anela.

Tlhamo ya tlhaloso

Mokwadi mo tlamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Setshwantsho.**

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlhophe mafoko sentle a bo a dirise mafoko a a bontshang maikutlo ka kelotlhoko go gorosa molaetsa sentle.
- Go dirisiwe mafoko a a ka bopang ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololeli go tiisa kgang/tiragalo.
- Motlhatlhojwa a bontshe fa a na le maitemogelo mo setshwantshong se.

Se se lebeletsweng go tswa mo motlhatlhojweng:

- Setlhogo se se nyalanang le setshwantsho se a itlhopetseng sona.
- Tlhaloso ya setlhogo.
- Tlhagiso ya mabaka a a tlholang ditiragalo tse di amanang le se se tlhagelelang mo setshwantshong.
- Tlhagiso ya ditlamorago tsa maemo a a tlhagelelang mo setshwantshong.
- Thotloetso go tila kgotsa go diragatsa se se tlhagelelang mo setshwantshong.
- Bokhutlo bo supe maikutlo a gagwe.

[50]

Tlhamo ya maitlhamo

Mo mofuteng o wa tlhamo, motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: **Setshwantsho**

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tseye letlhakore.
- Maikutlo a nne le seabe sa botlhokwa.
- Karolo e kgolo mo tthamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.
- Tlhamo e kwalwe ka maemo a kgonego kgotsa a pakatlang.

Se se lebeleletsweng mo motlhatlhojweng:

- Setlhogo se se nyalanang le setshwantsho se a itlhopetseng sona.
- Tlhaloso ya setlhogo.
- A tlhagise se se mo gapileng maikutlo ka se se diragalang mo setshwantshong.
- A tlhagise gore a ka rotloetsa jang ba ba nang le kgatlhego tebang le se se mo setshwantshong.
- A tlhagise mabaka a a ka tlholang ditiragalo tse di amanang le se se tlhagelelang mo setshwantshong.
- A tlhagise ditlamorago tse di tlholwang ke maemo a a tlhagelelang mo setshwantshong.
- A tlhagise gore tiragalo e e mo setshwantshong e ka ama jang botshelo jwa gagwe, balelapa le morafe.
- A tlhagise gore a ka dira eng go tila kgotsa go siamisa se se tlhagelelang mo setshwantshong.
- Bokhutlo e nne jo bo kgodisang.

[50]

Tlhamo ya ngangisano

Mo tlhamong e, motlhatlhojwa o tlhagisa kakanyo, ntlhakemo, mme o nganga ka maitlthomo a go dibela kemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: **Setshwantsho**

Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:

- Motlhatlhojwa a simolole ka go tlhagisa ntlhakemo ya gagwe go bontsha boitshimolole.
- A neye mefufuta ya dingangisano go tshegetsang ntlhakemo ya gagwe, mme a tlhalose se.
- Tlhamo e tlhagise letlhakore le le lengwe, mme dikakanyo di tlhagisiwe ka kgatelelo e kgolo.
- Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhologanyegang e bile e pateletsa mmuisi go dumelana le tse di tlhagisitsweng.
- Tlhamo ya mofuta o e kwalwe ka pakajaanong.

Se se lebeleletsweng mo batlhatlhojweng:

- A kwale ka ga setlhogo se a itlhophetseng sona.
- A tlhalose setlhogo le tlhagiso ya ntlhakemo ya gagwe, a e dibe ka bosupi jo bo rileng.
- A tlhagise dikao tsa ditiro tse di tshegetsang ntlhakemo ya gagwe.
- A tlhagise ditlamorago tsa ntlhakemo ya gagwe.
- A tlhagise dintlha tsa ngangisano tse di tshegetsang ntlhakemo ya gagwe.
- Kwa bokhutlong a tlhagise tshikinyo ya se se ka diriwang go tshegetsang ntlhakemo ya gagwe.

[50]

Tlhamo e e sa tseyeng letlhakore

Mofuta o wa tlhamo o tlhagisa ngangisano e e lekalekanang go emela kgotsa go nna kgaatlhanong le se go buiwang ka ga sona. Motlhatlhojwa o leba matlhakore otlhe a setlhogo a bo a tlhagisa dintlha tsa thulano a sa tseye letlhakore. Kemo ya mokwadi e tlhagisiwa fela kwa bokhutlong.

Sekao sa setlhogo: **Setshwantsho**

Dintlha tse di latelang di tshwanetse go elwa tlhoko fa go tshwaiwa tlhamo e e sa tseyeng letlhakore.

- Tlhamo e itshupe ka go lekalekana, e se tseye letlhakore. E tlhagise matlhakore a mabedi mme dikakanyo di tlhagisiwe ka tshegetso le kgatelelo e kgolo.
- E lebelele kemo ya botlhe.
- Puo e nne e e tsosang maikutlo mme motlhatlhojwa a se ka a tlhoka maitseo.
- Ngangisano e tlhaloganyesega.
- Tlhamo ya mofuta o, e kwalwe ka pakajaanong.
- Bokhutlo bo supe kemo ya mokwadi.

Se se lebeletsweng mo motlhatlhojweng:

- Setlhogo se a itlhophetseng sona.
- A tlhalose setlhogo.
- A tlhagise dintlha tsa matlhakore a mabedi ka go lekalekana, a sa tseye letlhakore.
- A tlhagise ditlamorago tsa maemo a a tlhagelelang mo setshwantshong mo matlhakoreng a mabedi
- A supe maikutlo le ntlhakemo ya gagwe kwa bokhutlong.

[50]**PALOGOTLHE YA KAROLO YA A: 50**

KAROLO YA B: DITLHANGWA TSA TIRISANO**POTSO 2****2.1 LEKWALO LA BOTSALANO**

Lekwalo la botsalano ke le le kwalelwang motho mongwe yo o rileng e ka nna wa losika kgotsa tsala go tlhaeletsana jaaka go leboga, itsise, kopa, eleletsa masego, jalojalo. Palo ya mafoko a lona e nne 180-200 diteng fela.

Dintlha tse di tshwanetseng go elwa tlhoko fa go tshwaiwa lekwalo la botsalano:

- Lekwalo le, le leleele, ka lona motlhatlhojwa o buisana le balosika, ditsala le bangwe fela ba a ka neng a itsane nabo.
- Go se ka ga nna diphoso tsa mofuta ofe mo lekwalong le.
- Motlhatlhojwa a ka ya lolololo ka dikgang tse a batlang go di tlotla.
- A kwale matseno a a ngokang mmuisi go buisa lekwalo le go supa botsalano le motho yo a mo kwalelang.
- Motlhatlhojwa a kwale aterese ya mokwadi fela.
- Motlhatlhojwa a se ka a kwala sefane sa gagwe.

Se se lebeleletsweng go tswa mo motlhatlhojweng:

- Aterese e le nngwe (ya mokwadi)
- A tlhagise ditumediso.
- A tlhagise maitlhommo a lekwalo.
- A tlhagise dikotsi tsa go tlhaeletsana le batho ba a sa ba itseng mo mafaratlhatlheng.
- A mo fe dikgakololo mabapi le dikamano tsa mafaratlhatlha a boitapoloso.
- A mo tlhabe botlhale ka ga tiriso ya mafaratlhatlha.
- Bokhutlo e nne jo bo maleba ka se se solofetsweng.

[25]**2.2 MAIKAO/LOKWALOIKITSISO LE LEKWALOPHELEGETSO**

Maikao/Maipolelo (lokwaloikitsiso) ke lekwalo le mokwadi a ipapatsang/ ithekisang ka lona. Le kwalelwa ditheo le mafapha a puso fa mong a batla tiro. Ke tshedimose tso e e kitlaneng e e maleba thata le mofuta wa tiro e e kopiwang. Palo ya mafoko a yona e nne 180–200 diteng fela.

Dintlha tse di tshwanetseng go elwa tlhoko fa go tshwaiwa maikao (lokwaloikitsiso):

- Lokwalo lo, lo tlhagisa dintlha tse di tsepameng.
- Lokwalo lo, lo kwalwe ka tsela e e leng gore motho yo o sa go itseng a ka kgatlhega fela fa a buisa maikao/maipolelo a gago lekgetlo la ntlha.
- Tlhagisa tshedimose tso e e lolameng, e tsepame mme e nne khutshwane.
- Tshedimose tso ka mong e nne maleba le ditlhokego tsa tiro.
- Supa bokgoni jwa boeteledipele le bokgoni jwa go dira le setlhopa le jwa go dira o le esi fa go kgonagala.

Se se lebeleletsweng mo motlhatlhojweng:

- Motlhatlhojwa a neele tshedimosetso ka ga: maina, bong, letsatsi la matsalo, maitemogelo a tiro jalojalo.
- Motlhatlhojwa a tlhagise kgatlego le bokgoni ba gagwe mo tirong eo.
- A tlhagise dithutego le maitemogelo a tiro e e kopiwang.
- Tshedimosetso le lekwalo la go kgweetsa.
- Basupi ba babedi.
- Bokhutlo e nne jo bo solofetsweng.

LEKWALOPHELEGETSO

Lekwalophelegetso ke lekwalo la semmuso le le kwalelwang setheo sengwe se go diriwang kopo kwa go sona. Lekwalo le, ke tshobokanyo ya maikaelelo a mokwadi le kopo ya tiro e e phasaladitsweng.

Dintlha tse di tshwanetseng go elwa tlhoko fa go tshwaiwa lekwalophelegetso:

- Lekwalo le, le lekhutshwane, le na le dintlhakgolo ka ga se se batliwang kgotsa se se kopiwang.
- Ditlhokego tse di farologaneng tsa lekwalo la semmuso di tlhagisiwe ka tlhomamo (popego le setaele).
- Diaterese di nne pedi, ya mokwadi le ya moamogedi.
- Le supe bokhutlo jo bo tlhamaletseng bo latelwe ke sefane le ditlhakaina tsa mokwadi.
- Le nne le dinomoro tsa mogala gore go ikgolaganngwe le mokopi.

Se se lebeleletsweng go tswa mo motlhatlhojweng:

- Diaterese tse pedi (ya mokwadi le ya moamogedi).
- Setlhogo sa lekwalo se tlhagise tiro e e kopiwang.
- Ditumediso di kwalwe.
- Kopo e tlhagisiwe ka botlalo le ka boikobo.
- Tlhagiso ya kgatlhego ya gagwe mo tirong eo.
- Thadiso ya ditlhokego tsa botlhokwa tsa tiro tse a nang le tsona.
- A tlhagise tsholofetso ya boineelo jwa gagwe mo tirong eo.
- Bokhutlo e nne jo bo maleba ka se se solofetsweng.
- Dinomoro tsa mogala di neelwe.

[25]

2.3 PEGELO

Pegelo e kwalelwa setheo se se rileng, motlhatlhojwa o neelana ka diphithhelelo le dikatlanegiso tsa se a neng a laetswe go se dira. Palo ya mafoko a yona e nne 180–200 diteng fela.

Dintlha tse di tshwanetseng go elwa tlhoko fa go tshwaiwa pegelo:

- Leina la lebenkele le moamogedi di tlhagisiwe.
- Setlhogo sa pegelo se bolelwe ka botlalo gore go begwa ka ga eng.
- E kwalwa ka pakapheti.
- Motlhatlhojwa a tlhagise ditiragalo ka ga se se kopilweng.
- Motlhatlhojwa a kwale leina la gagwe ka botlalo a bo a saene, a supe tiro kgotsa maemo a gagwe le letlha le a kwadileng pegelo ka lona.

Se se lebeletsweng mo motlhatlhojweng:

- Setlhogo se kwalwe.
- Motlhatlhojwa a tlhagise tshedimosetso tebang le lefelo, nako le letlha la tiragalo.
- A tlhagise ditiragalo tsa thulano ya dijanaga ka botlalo.
- A tlhagise go amega ga gagwe ka botlalo.
- Bokhutlo e nne jo bo solofetsweng.

[25]**2.4 ATHIKELE YA LOKWALODIKGANG**

Athikele ya lokwalodikgang ke karolwana ya lokwalo lo batho ba kwalang dikgang dingwe kgotsa ba bega sengwe gore se buisiwe ke botlhe.

Dintlha tse di tshwanetseng go elwa tlhoko fa go tshwaiwa athikele ya lokwalodikgang:

- Kgang e neelwa setlhogo se se itlhalosang e bile se gogela.
- Motlhatlhojwa o na le kgololosego ya bobegakgang.
- Palo ya mafoko a lona ke 180–200 diteng fela.
- O patelesega gore kgang ya gagwe e gogele, mme e sa nyeletse bonnete jwa kgang.
- Temana ya ntlha e tshwere bontsi jwa dikgang gonne e araba dipotso Kae? Mang? Leng? Jang? E tlhagisa dilo tse di tlhokegang tse di humisang diteng.
- Leina la mokwadi le tlhagisiwe kwa tshimologong ya athikele.

Se se lebeletsweng mo batlhatlhojweng:

- Setlhogo se se nang le kgogedi.
- A tlhagise maemo a bophepa jwa marekelo kgotsa toropo.
- A tlhagise ditlamorago tsa marekelo kgotsa toropo e e seng phepa.
- A tlhagise maano/ditsela tse di ka salwang morago go tshola marekelo kgotsa toropo e le phepa.
- Bokhutlo e nne jo bo solofetsweng.

[25]

2.5 TSA BOTSHELO JWA MOSWI

Tsa botshelo jwa moswi ke tshedimosetso ka botlalo fela e le khutshwane ka ga botshelo jwa yo o tlhokafetseng.

Dintlha tse di tshwanetseng go elwa tlhoko fa go tshwaiwa puo:

- Neelana ka tshedimosetso e ntsi ka mo o ka kgonang ka teng fela e nne maleba.
- Tlhagisa tshedimosetso e e tletseng ka dintlha tse di latelang: leina la moswi (o ka tlhagisa leina la moswi le a tlwaelegileng ka lona), letlha la botsalo, boemo jwa tsalo, batsadi, boagi, dithutego, tiro, seabe mo setšhabeng fa go tlhokega, kemo ya nyalo (fa a nyetswe/nyetse) bana fa ba le teng, sebakwa sa loso, ba a ba tlogelang kwa morago, kgangnyana e badiri le balelapa ba tlaa ikgopotsang moswi ka yona, leboko la thoriso la gaabo le mafoko a go robatsa moswi.
- Palo ya mafoko e nne 180-200 diteng fela.

Se se lebeleletsweng mo batlhatlhojweng:

- Setlhogo se nne le maina a moswi ka botlalo.
- Tiriso ya phefofatso.
- Leina la moswi le batsadi ba gagwe.
- Maemo a tsalo.
- O tshotswe leng kwa kae?
- Dikolo tse a di tseneng/Dithutego tsa moswi.
- Lefelo le a neng a dira kwa go lona (fa go tlhokega).
- Maemo a nyalo le bana (fa go tlhokega).
- Tlhagisa se se bakileng loso.
- Tlhagisa ka boripana dintlha dingwe ka maitemogelo a moswi ao ba lelapa le ditsala ba ka mo ikgopotsang ka ona.
- Mafoko a go robatsa moswi ka kagiso.
- Leboko la kgotla ya moswi le ka tsenngwa (fa go tlhokega).

ELA TLHOKO: Motlhatlhojwa a kwale ka ga moswi e seng motshedi.

[25]

2.6 MMUISANO

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta. Ba buisana ka ga dikakanyo kgotsa setlhogo sengwe se se rileng. Sebopego sa ona ke sa terama fela ona o dirisiwa gongwe le gongwe ke mongwe le mongwe.

Dintlha tse di tshwanetseng go elwa tlhoko fa go tshwaiwa mmuisano:

- Mmuisano o kwalwa ka mokgwa o moterama a kwalang ka ona.
- Go nna le dibui di le pedi kgotsa go feta.
- Dipolelo tsa dibui di nne dikhutshwane.
- Diteng di supe boithlamedi, kelelo ya dintlha le go tsamaelana ga ditiragalo.
- Palo ya mafoko e nne 180-200 diteng fela.
- Maina, maemo a tiro kana maikarabelo a loago a dibui a tlhagelele sentle.
- Matseno, mmele le bokhutlo di dirisiwe sentle. Kgang e bontshe tshimologo, setlhoa le tharabololo.
- Puo e nne e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

Se se lebeleletsweng mo motlhatlhojweng:

- Setlhogo se tlhagisiwe.
- Ditumediso le ikitsiso di kwalwe fa go tlhokega.
- Mmuisano o tlhagise kgatlego ya go batla go kwala poko.
- A tlhagise le go kopa maele ka ga kitso e e tseneletseng ka bokwadi jwa poko.
- A mmuisano o tlhagise dintlha tsa botlhokwa go fatlhosa ka bokwadi jwa poko.
- Puo e nne e e tlhamaletseng.
- Bokhutlo e nne jo bo lebeleletsweng.

[25]

PALOGOTLHE YA KAROLO YA B: 50
PALOGOTLHE: 100